

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De idolorum delubris Alexandriae dirutis, & inde commissa à Gentilibus &
Christianis pugna. Cap. XVI.

urn:nbn:de:hbz:466:1-12704

SOCRAT. HISTOR.

propter iusurandum violatum auersabantur, separatis cōuentus fecerunt. Flauianus autem, omnem, vt dicitur, mouebat lapidem, vt eos etiam sibi subijceret: quod quidē haud diu post perfecit, odio Theophili, Episcopi Alexandriæ, tū versus ipsum placato: cuius subsidiis Damasum etiam, Episcopum Romanum, sibi reconciliauit. Nam vterque erga Flauianum offensiore animo fuit, non solū quod peierauerat, sed etiam quod author fuerat, eorum consensum dirimendi, qui erant ante concordes. Quare Theophilus, odio in illum restincto, Isidorum presbyterum misit, vti Damasi animum in Flauianum exulceratum mitigaret, doceretque ex vsu Ecclesiæ esse, si propter populi concordiam peccatum à Flauiano commissum remitteret. Quocirca communione Flauiano ad hunc modum reddita, populus Antiochenus pedentim tempore progrediente, ad concordiam reducitur. Atque res Antiochiæ administratæ hunc habuere existum. Ariani verò ab ecclesiis expulsi, in suburbii conuentus celebrarunt. Interea temporis Cyrillo Hierosolymorum Episcopo mortuo, Ioannes succedit.

*De idolorum delubris Alexandriæ dirutis, & inde
commissa à Gentilibus & Christianis pugna.*

CAP. XVI.

PER id temporis Alexandriæ grauissima clades facta est: quæ eius generis fuit. Factum est studio & labore Episcopi Theophili, vt edicto Imperator iuberet, omnia gentilium delubra Alexandriæ dirui, illudq; opera Theophili transfigi. Quidam autoritatem naestus Theophilus, nihil prætermisit, quod ad Gentilium mysteria contumelia & dedecore afficienda spectaret, sed delubrum Mithræ gentilis superstitionis sordibus perpurgare, Serapidis demoliri, cruenta Mithræ mysteria palam ludibrio exponere, & quam ridicula essent, tum Serapidis tum aliorum, ostendere agreditur: Phallos per medium forum gestari mandat. Quæcum gentiles qui Alexandriæ habitabant, & maximè illi, qui inter eos philosophiam profitebantur, factitata cernerent, præ angore se continere non potuerunt, sed sceleribus, quæ olim tam tragicè & crudeliter consciuerant, noua, eaq; multo

multo grauiora accumularunt. Nam ex communi consensu omnes vno impetu in Christianos ruere, cædem cuiusque modi illis inferre cooperunt: Christiani se defendere: malum malo additum: pugna vsque eo creuit, quoad cædis facienda facietate tumultus sedaretur. Interierunt in ea dimicazione, pauci gentilium, Christianorum permulti: ex utraque parte fauciati prope innumerabiles. Quibus rebus confectis, terror inuadit gentiles: metuunt Imperatoris irā. Idcirco cum res, quas libido iussierat, patrassent, irāque suāflammam cruenta cæde restinxissent, se, alias in alium locū, abdiderunt. Multi Alexandria euolant, per variasque ciuitates dispersi, vitam degunt: ex quorum numero fuere Helladius & Ammonius, Grāmatici duo: apud quos ipse equidem, cum esset admodum adolescens, Constantinopoli operam literis dedi. Helladius sacerdos Iouis esse dicebatur. *Vide N. 12. ceph. lib. 12. cap. 25*

Ammonius Simiæ. Itaque cum clades ad hunc modū esset repressa, præfectus Alexandriæ, & dux exercitus Theophilus ad delubra gentilium vastanda subsidio fuere. Delubra idcirco euersa: simulachra deorum in lebetes, & res alias ad vitæ usum accommodatas cōflata. Nam Imperator deorum imagines ecclesiæ Alexandrinæ, vti ad pauperes subleuandos impenderetur, donauerat. Itaque Theophilus, cum omnes deorum statuas confringere aggredieretur, vnam certi alicuius Dei integrum seruari iussit, eamque in loco erexit publico: vti gentiles, tempore progrediente, non inficiasarent, se eiusmodi deos coluisse. Hac de re noui equidem Ammonium Grammaticum valde animi discriutiatum fuisse, dixisseq; religione græcorum grauem inflictam plagam, quod illa vna statua conflata non esset, sed de industria ad ipsorum religionis irrisiōnem reseruata. Helladius apud quosdam gloriatus est, se in tumultuosa illa pugna nouem homines trucidasse. Ista quidem illo tempore Alexandriæ gesta cognouimus.

De erutis in Serapidis templo literis.

C A P. X V I I.

IN delubro Serapidis iam diruto & fundamentis conuulso, literæ repertæ fuerunt lapidibus incisæ, quas Hieroglyphicas appellant. Erant formæ insculptæ, quæ crucis